

絳州志序

絳州介平陽蒲坂間土隘
而人稠

國朝陞直隸州領縣五其境
跨越大河之西南西境河
津隣於秦南境垣曲隣
豫又聞喜當秦蜀徃

道事益以繁絳縣稷山雖
非衝途均號難治乾隆庚
辰歲余奉

命觀察河東時州守張君莅絳
有年矣張君莅任秦中州
縣所至有聲及來絳治法
如在秦時清淨寧一獄訟

不擾以絳志久不修無以
備掌故為憾且州自雍正
二年升改直隸沿革異宜
未便抱守殘闕適
大中丞和公暨
彰公後先撫晉澄飭吏治
各郡縣志有殘闕者皆修

輯明備用垂法戒張君悉
意蒐討稿成質余余考絳
自晉設都後世稱要地西
魏後周屹然重鎮唐置總
管府復列絳為雄郡五代
宋為雄州防禦金為上州
又置絳陽軍節度使又升

為晉安府總管河東南路
兵馬元置絳州行元帥府
河解二州諸縣皆隸焉非
以河汾間一大都會為河
東全境之中軸乎牧斯土
者宜何如懍懍也今張君
既優於政所成新志又記

載詳核不濫不支庶幾披
覽者穆然想見山樞蟋蟀
之俗俾民無忘勤儉慨然
慕韓宣叔向諸賢賦詩贈
答俾民毋忘禮讓以仰副
我
國家教養斯民之意并無負

上官委重要地之心則是
志也其非記載空談也夫
乾隆三十年歲次乙酉季
秋分守河東兵備兼管水
利道沈栻序



絳州志序

絳志始於前明正德間州牧李公文潔州於是乎有專志一修於萬曆間田公子堅再修於方公立誠至

國朝康熙九年劉公顯第即舊志增刪之頗有釐訂迄今幾閱百年其間官師政治之明備與夫

人物文章之積而日甚者不知凡幾且自雍正二年

奏准改州為直隸管轄太平襄陵稷山河津四縣又自雍正七年奏准將襄陵太平改隸平陽府而以解州之垣曲平陽之絳縣聞喜改隸絳州變更者屢矣倘紀載弗詳俾我

朝良法美意日久茫無以考非守
士者之責而誰責歟况絳居兩
河間稱劇郡土狹而人夥士食
舊德農服先疇風俗素近古而
自雍及絳汎舟可達商賈填集
人習奢靡漸以多故余守茲土
十餘年勞心撫字恐弗克稱職
而志久不修大懼百年來文獻

無徵無以脩掌故稽善敗適承
上官命以修舉廢墜為汲汲因
聚州之士大夫謀所以修之者
咸願踴躍襄事其康熙九年以
前就劉志重加刪訂自康熙九
年後以至於今悉心採輯統加
編次雖卷帙倍增而去蔓存真
未敢從畧其間或不無遺漏沿

訛之處尤望後之君子考而正之并檢閱所屬五邑志歲久殘缺各事纂修先後告竣犁然詳備余既欣諸同事之能盡厥職而又幸州志之成俾我國家明備章程得所考据以勉副上官修舉廢墜之盛意倘亦兢兢供職之一端歟是為序時

乾隆三十年歲次乙酉季秋之月
京江張成德書於絳陽官舍



直隸絳州志

總修

山西絳州直隸州知州加三級紀錄三十次張成德

纂修

絳州糧捕州判

李友洙

絳州學正

任用中

絳州訓導

張我觀

督刊

絳州吏目

蕭在

署絳州吏目

胡之郁

直隸絳州志

卷之

一

絳州吏目

楊蕙

同修

原任湖北分守安襄鄖等處地方下荆南道李敏學

原任刑部雲南司員外郎

王世治

候選道員

梁思熾

原任陝西興安州白河縣知縣甲辰舉人梁以檀

原任寧武府寧武縣儒學教諭壬子舉人閻廷玠

庚午科舉人揀選知縣

彭士煥

監生

李養亨

叅訂

貢生

李效曾

乙酉科副榜

楊逢年

貢生

馬希援

廩生

王延祚

廩生

張我璫

廩生

常瑄

廩生

楊成思

廩生

權緝祖

廩生

郭洪埰

生員

常琳

直隸絳州志

卷之

二

督修

監生

喬元統

候選刑部司獄

梁澍霖

候選州同

王純一

生員

李翰琳

監生

喬殿元

監生

楊逢春

校錄

廩生

張玉瑄

廩生

張志仁

增生

李如松

增生

黃大觀

增生

任際唐

增生

杜銜慶

生員

陳登瀛

生員

馬志信

捐修姓氏

李敏學 梁開宗 王世治 王純一

儀司直 馮訓 耿天智 南士菁

楊杞 王紹旭 唐景瑤 楊恒昌

康則恒 任大震 任大受 儀式穆

南紹适 張得智 蘭壘 權興周

權希榮 李養正 因衍慶 衛承周

段康寧 因士瑜 因有慶 王克致

李成龍 周旋 楊澣 李養鱗

常大愿 段綿彭 陶灝 唐中儀

直隸絳州志

卷之

傅汝礪 支源灝 張有文 張道成

南克恭 南克温 唐百壽 呂雲瑞

李秀奇 陳琮 李惟善 雒玉書

賈澤廣 黃好學 楊念祖 梁林宗

傅汝調 金如山 王樸 耿天錫

吳成周 姜紹衍 王琰 石自新

潘應元 黃鶴齡 秦漢武 趙日宏

耿忻 馮裕仁 王世洽 李子昇

馮裕定 陳宏 郭宗翰 陳登瀛

王肇祉 陳攢 侯瑞 周錫璋

張執權 周鳳章 趙熊 權爾彩

文涵 藺尚寬 趙而楹 侯景魁

聶三修 侯奠都 侯啟元 趙蒸

趙域 侯履吉 衛大年 甯中梁

王式好 王大公 衛來玉 張永源

許復弼 王之縉 巨文泌 尉仁寰

尉澍 尉養初 尉紹菜 薛泉源

張柏齡 趙熟典 賈毓珽 尉涵

董默 王助 谷世蓬 尉復

王從元 王利正 董因 京思聖

直隸絳州志

卷之

張柄 儀有敬 谷初躋 董可宗

張炳 劉琨 趙純仁 趙如芝

王鈞 董位充 高思敬 張敬

魯存哲 張宏惠 陳方泰 鄭轅

歷修姓氏

正德辛巳

李文潔 知州貴溪舉人

王珂 舉人蒲州人

萬曆庚辰

田子堅 知州永寧進士

趙桐 富平知縣州人

因于夏 鞏昌府通判州人

陶登 齊東知縣州人

王之翰 棗陽知縣州人

直隸絳州志

卷之

姓氏

一

薛國民 真寧知縣州人

陳九功 生員州人

萬曆己酉

方立誠 知州太平舉人

黃一中 學正黃岡舉人

張與行 重慶府知府州人

陶登 齊東知縣州人

張與化 生員州人

陳九功 生員州人

王朝麟 臨洮府推官州人

韓雲 徐州知州州人

康熙庚戌

劉顯第 知州東寧貢士

張崑 同知江夏貢監

李調元 學正蔚州舉人

雷仕俊 吏目南昌監生

孫錫齡 通政司叅議州人

王復初 揚州府同知州人

閻調鼎 江寧府推官州人

孫有恒 袁州府同知州人

直隸絳州志

卷之

姓氏

二

常貞吉 長泰知縣州人

馬中捷 安遠知縣州人

郝璜珍 貢生州人

陶用曙 貢生州人

直隸絳州志凡例

一門類繁多有乖體例今定爲二十六門而暗分四部
一曰地輿若星野繫乎地者也若州郡之沿革與夫
疆域山川古蹟皆地也而風俗物產又皆從乎地者
也一曰政事若城池壇壝官署學校田賦戶口倉儲
封爵宦績選舉無非政也一曰人物自古及今賢有
大小兼採並錄而孝義寓賢隱逸藝術列女更類而
分焉惟其詳也一曰藝文凡有關於本州地方政事
人物者必舉而錄之以備參考而終之以雜志云
一門目有可從併省者各以類附無漏無雜其有所載

直隸絳州志

凡例

一

無多斷難概從併省者如丁徭附入田賦門此徵收
丁銀之數也另立戶口一門此實在編審滋生之數
也未可混淆

一直隸州所轄屬縣每縣各有專志本州志中毋庸兼
及但州境之沿革必須統全境而牽連及之方能瞭
然於目至如各屬之田賦戶口倉儲州守旣與有責
成若不統載全數其與散州何異茲將各屬之田賦
戶口倉儲統紀全數於前仍就本州之數開載於後
庶於體制無乖

一疆域相距之遠近廣狹錢糧之起解存畱倉儲有常

平義社之分及入學廩膳之名數皆關

國典舊志缺畧又自雍正二年間陞爲直隸州之後
與前典不無異同今悉查載明晰

一宦績人物必俟身後論定凡其人現存者不錄至列
女惟節行尤著者方立小傳其餘苦志守貞及年遠
事跡無考者祇採姓氏錄之

一州郡志與省志不同山西通志學校門備載丁祭配
享從祀諸賢並祭儀樂章此全省通志不得不詳其
大典若州郡志義取切要何暇及此泛然之辭今概
爲節刪

直隸絳州志

凡例

二

一風俗多抄歲時記徒侈篇幅茲惟採取列代言本地
風俗者而附以本州土俗無取從同物產亦取其尤
嘉而著名及他處所寡有者餘不羅列

一諸志每門前有小叙後有論斷非膚卽贅耳今概省
之其或有詳辨異同及稍出已裁之處仍附片言於
卷末

直隸絳州圖總目

州境及五屬縣全圖

本州境全圖

州治圖

州學圖

東雍書院圖

金臺夜月圖

亂錦飛鴻圖

佛窟晨鐘圖

龍興古柏圖

直隸絳州志

圖總目

仙樓疊翠圖

三林春曉圖

石鼓神泓圖

玉壁秋風圖

姑射晴嵐圖



紫金積雪圖

直隸絳州志



圖考


二

州城圖



學宮圖










直隸絳州志

圖考

七



飛鴻
錦



佛窟晨鐘



龍興古栢

直隸絳州志

圖考





直隸絳州志


圖考

+











姑射晴嵐








東原書院圖





直隸絳州志目錄

卷之一

星野 圖說附

沿革 地表附

疆域 形勝 鋪遞附

卷之二

山川 水利附

古蹟 陵墓附

風俗 土俗附

物產

直隸絳州志

卷之一 目錄

卷之三

城池 坊鄉 堡墩 橋梁附

壇壝 祠廟 寺觀附

官署

學校 社義學 書院附

卷之四

田賦 丁徭 雜課 鹽引附

戶口

倉儲

卷之五

封爵

職官
上

卷之六

職官
下

卷之七

官績

卷之八

選舉
上

卷之九

選舉
下

例仕
恩廕附
例授
椽官
武秩
封贈

直隸絳州志

卷之一

目錄

二

卷之十

人物
上

卷之十一

人物
下

卷之十二

孝義

寓賢

隱逸
仙釋附

藝術

卷之十三

列女

卷之十四

藝文 一

卷之十五

藝文 二

卷之十六

藝文 三

卷之十七

藝文 四

卷之十八

直隸絳州志

藝文 五

卷之十九

藝文 六
法帖 著述總目附

卷之二十

雜誌

卷之一

目錄

三

直隸絳州志卷之一

星野 圖說附

周禮保章氏注實沈晉也

左傳遷實沈於大夏主參唐人是因以服事夏商及武
王滅唐而封太叔焉故參爲晉星

國語實沈之墟晉人是居

帝王世紀自畢十二度至東井十五度實沈之次魏之
分野

漢書魏地觜觿參之分野其界自高陵以東盡河東河
內

直隸絳州志

卷之一

星野

四

後漢郡國志註實沈之次於辰在申謂之涪灘於律爲
中呂斗建在巳今晉魏分野

唐書天文志觜觿參伐實沈也初畢十度中參七度終
東井十一度自漢之河東及上黨太原盡西河之地
其地上應天闕

明清類分野書自畢七度至井八度爲實沈之分平陽
府參分蒲絳吉隰霍解六州皆觜參分

通志觜參實沈之次於辰在申於州爲益晉魏之分井
宿附入


按漢唐諸志言晉星或以爲參井或以爲觜參訖

無定說蓋統全晉之地言之或就星度之鈎帶相
及者牽言之如張爲周星而河東近接陝洛李淳
風以爲入張一度是也明洪武初詔劉伯溫等修
大明清類分野書取州郡與天星分配頗爲精密
其曰蒲絳吉隰霍解六州皆觜參分不及井而
舊志云已入於東井之分爲實沈之最西一隅恐
未足爲據再通志云觜參於州爲益其說本於班
志及春秋元命包彼並不指分野特以占法言之
漢志明明云角亢氐沘州翼軫荊州謂在沘州則
占角亢氐在荊州則占翼軫而益州則兼占觜參

也故其下又有甲齊丙楚戊魏己韓云云是觜參
益州者以星爲占甲丙戊己者以日視星爲占也
乃釋之者或云益之爲言阨或云疆壤益大不亦
謬乎通志又云晉魏之分井宿附入者猶李淳風
以河東入張一度謂星度之鈎帶出入相及非謂
河東兼有張分也聊書管見俟善談星者考正之

圖說附

觜宿圖



直隸絳州志

卷之一

星野

六

丹元子步天歌

三星相近作參彙觜上座旗直指天尊卑之位九相連
 司怪曲立座旗邊四鷓大近井鉞前

占候

觜二度在參之右角如鼎足形主天之關明大則天下
 安五穀熟隋志云觜觶為三軍之候行軍之藏府主葆
 旅收斂萬物明則軍儲盈將得勢動而明葆旅起張衡云葆
 旅野生之可食者座旗九星在司怪西北主別君臣尊卑之位
 明則國有禮司怪四星在井鉞前候天地日月星辰禽
 獸蟲蛇草木之變與天高占同天高星名

躔度

宋兩朝天文志觜三星距西南星去極八十二度半座
旗九星距南星去極六十一度半入參宿八度司怪四
星距西星去極七十一度入參宿六度半


直隸絳州志

卷之一

星野

七

參宿圖



丹元子步天歌

總有七星觜相侵兩肩雙足三爲心伐有三星足裏深
王井四星右足陰屏星兩扇井南襟軍井四星屏上吟
左足下四天廁臨廁下一物天屎沉

占候

參十度上爲五星日月中道甘氏曰參爲忠良孝謹之
子明大則臣忠子孝安吉一日參伐一日大辰一日天
市一日鈇鉞又爲天獄又主權衡所以平理也又主邊
城爲九譯故不欲其動也參白虎之體其中三星橫列
三將也東北曰左肩主左將西北曰右肩主右將東南

直隸絳州志

卷之一

星野

八

曰左足主後將軍西南曰右足主偏將軍故黃帝占參
應七將中央三小星曰伐天之都尉也又曰七將皆明
天下兵精也玉井四星在參西右下水象也屏二星在
玉井南屏爲屏風玉井東西四星曰軍井行軍之井也
軍井未達將不言渴名取此也又曰主軍營之事天廁
四星在屏東溷也天屎一星在廁南色黃則吉

纏度

宋兩朝天文志參十星距中星西第一星去極九十二
度半玉井四星距西北星去極九十八度少入畢宿十
一度半天屏二星距南星去極一百一十五度入畢宿

十三度半軍井四星距西南星去極一百五度半入畢
宿十四度天厠四星距西北星去極一百一十八度半
入參宿二度屎一星去極一百一十五度入參宿三度
半

沿革

虞夏時絳州爲畿內地實冀州之域

周成王封弟叔虞於唐在河汾之東地因晉水改國曰
晉成侯徙曲沃穆侯徙絳昭侯徙翼至曲沃武公并
晉又都翼獻公時土蔦城絳深其宮因都焉至景公
徙新田以新田爲絳而以絳爲故絳迨三卿分晉絳
爲魏地

秦屬河東郡

漢初魏豹并晉韓信虜豹定魏改絳爲臨汾縣

魏晉屬平陽河東二郡地

直隸絳州志

卷之一

沿革

十

後魏置東雍州析漢臨汾縣地爲南太平神麿元年爲

正平太和十一年復置正平郡領聞喜曲沃二縣

後周明帝改東雍州爲絳州徙聞喜縣龍頭城復徙柏

壁建德中徙稷山之玉壁兼治正平郡

隋開皇初廢正平郡自玉壁始徙今治大業二年改絳
郡治正平龍門太平曲沃翼城稷山絳垣曲八縣

唐武德元年置絳州總管府管絳潞蓋建澤沁韓晉呂
檜秦蒲虞芮邵十五州三年廢總管府四年復絳州
爲雄郡正平爲望縣貞觀中分天下爲十三道屬河
東道領七縣仍大業之舊增聞喜而無稷山龍門

後唐以河中府稷山來屬

宋爲雄州置絳郡防禦正平爲望縣領縣七有稷山而無聞喜

金爲上州正平爲倚劇天會六年置絳陽軍節度使興定二年升爲晉安府總管河東南路兵馬三年置河東南路轉運司後改晉安府

元初爲中州置絳州行元帥府河解二州諸縣皆隸焉後罷元帥府仍爲絳州隸平陽路仍領縣七治正平縣正平爲下倚縣

明以州隸平陽府而領稷山絳垣曲三縣

直隸絳州志

卷之一

沿革

十一

國朝屬領如舊雍正二年改爲直隸州析平陽府之太平襄陵河津稷山來屬七年又以太平襄陵易平陽府之聞喜絳縣并析解州之垣曲來屬於是絳州統稷山河津聞喜絳縣垣曲五縣

按春秋以前晉都於翼至曲沃武公滅晉周釐王命爲晉君盡併晉地亦都翼獻公八年使士蔦城聚命曰絳九年始都絳水經注應劭曰絳水出絳縣西南卽其地也今太平縣南二十五里有古晉城遺址亦稱土蔦所築此說固非據通志云土蔦城聚今絳縣縣治南車箱城也獻公都絳今太平

縣南晉城也此說亦非考左傳士蔦城絳以深其宮林注以深公宮備豫也是年晉始都絳是獻公所都卽士蔦所城非有兩地明矣再考晉封唐之後成侯服人徙曲沃穆侯費生徙絳至昭侯始徙翼則太平縣南之晉城當是穆侯所徙之絳故以古晉城別之不得卽指爲獻公所都之絳也後景公自絳遷新田亦謂之絳而以舊都爲故絳杜注絳與新田皆曰今平陽絳邑縣是漢晉時絳邑地極廣今絳州曲沃聞喜翼城太平胥爲絳地難以割清自後魏分絳縣地置曲沃縣與聞喜同隸正平郡又於今翼城置北絳郡領小鄉北絳二縣又於今絳縣置南絳郡并縣至後周改絳州隋唐宋以後置絳州絳郡然後統南北絳而胥轄之是隋唐後之絳州絳郡地亦擴衍與今日所定疆界廣狹不符今將故絳新絳南北絳異同分合列稽前說參以臆見庶免拘墟之誚云

直隸絳州全境地表

歷代 總部 郡國 州邑

殷 耿都

周 冀州 晉 瓠邱 郟郟 曲沃 故絳
稷 高梁 清源 涑川

耿 耿城

冀

魏 王垣 曲沃 皮氏

秦 河東郡 桐鄉 左邑

漢 司隸校尉 河東郡 左邑 聞喜 臨汾

後漢 河東郡 臨汾 皮氏 絳 垣 皮氏 聞喜

直隸絳州志 卷之一 地表 十三

魏 平陽郡

河東郡

晉 司州 平陽郡 絳邑 臨汾 皮氏

河東郡 聞喜 垣

北魏 晉州 平陽郡 臨汾

南絳郡 南絳 小鄉

東雍州 邵郡 白水 清廉 葭平

高涼郡 高梁 龍門

正平郡 聞喜

南汾州 龍門郡

北鄉郡 龍門

後周 勳州總管府 蒲州 龍門

龍門郡

正平郡

絳郡

邵州 亳城 蒲原

隋 冀州 河東郡 龍門

絳郡 正平 絳 龍門 正平 絳 稷山

唐 河東道 河中府 稷山 龍門

絳州 正平 絳 龍門 正平 絳 聞喜

直隸絳州志 卷之一 地表 十四

五代 絳州

解州 東漢 聞喜

宋 河東路 絳州 正平 稷山 絳 陝西路 河中府 龍門

解州 聞喜

河中府 河津

金 河東南路 絳州 正平 稷山 絳 河中府 河津

解州 聞喜

河東山西道 肅政廉訪司 晉寧路

元 河中府 河津

絳州

正平
垣曲

稷山

絳

解州

聞喜

明

山西布政司

平陽府蒲州

河津

絳州

稷山

絳

垣曲

解州

聞喜

國朝

山西布政司

絳州

稷山
聞喜

河津

垣曲

凡一州五縣地方名號數易歷代之割隸出入不同
今既志沿革其有不能盡者作地表著之俾觀者得
以考焉

疆域 形勝 鋪遞附

絳州全境東西廣一百三十五里南北袤一百一十里
所屬稷山縣在州西境距州五十里河津縣在州西境
距州一百里聞喜縣在州南境距州七十里絳縣在州
東南境距州九十里垣曲縣在州東南境距州二百里
東自本州境至平陽府曲沃縣界十里
西自河津至陝西同州府韓城縣界黃河岸一百二
十五里
南自聞喜至解州夏縣界九十里
北自本州至平陽府太平縣界二十里

直隸絳州志

卷之一

疆域

十六

東南自垣曲至河南府澠池縣界黃河岸二百里
西南自稷山至蒲州府萬泉縣界八十里
東北自本州至平陽府曲沃縣界二十里
西北自河津至吉州鄉寧縣界一百四十里
絳州本境在山西布政司西南境距省七百五十里自
州至
京師一千八百里東西廣四十二里南北袤五十二里
東至平陽府曲沃縣界十里
西至本州稷山縣界三十里
南至本州聞喜縣界三十里

北至平陽府太平縣界二十里

東南至本州絳縣界六十里

西南至本州聞喜縣界四十里

東北至平陽府曲沃縣界二十里

西北至本州稷山縣界四十五里

形勝附

北枕九原南襟絳嶺姑射雄峙於西北汾澮環繞於東南在前晉為都會之處在李唐為六雄之一乃河東奧區山右名都昔人謂西山鳳舞天邊去北水龍飛掌上來詎不信夫

直隸絳州志

卷之一

疆域

十七

八景

金臺夜月 玉壁秋風 佛窟晨鐘 龍興古柏

亂錦飛鴻 紫金積雪 姑射晴嵐 三林春曉

十景

馬首靈湫 侯莊仙掌 哺饑坂道 鼓堆神泓

園池臺榭 碧落碑文 龍興古柏 金臺夜月

佛窟晨鐘 三林春曉

舖遞附

急遞總舖 在州治南

平原舖 在城北十里

義泉鋪 在城北二十里

三林鋪 在城西十里

古交鋪 在城西二十里

周村鋪 在城西三十里

狄莊鋪 在城東十里